

# Reglur um kynningar, auglýsingar og gjafir í skóla- og frístundastarfi Reykjavíkurborgar

## Leiðarljós

„Börn skulu hafa aðgang að innlendum og erlendum upplýsingum og öðru efni sem stuðlar að alhliða þroska þeirra og sem þau njóta góðs af félagslega og menningarlega. Aðildarríkjum ber jafnframt skylda til að vernda börn fyrir efni sem skaðað getur velferð þeirra.“

(Barnasáttmáli Sameinuðu þjóðanna, 17. gr. lögfestur hér á landi 20. febrúar 2013)

„Engar auglýsingar skulu vera í grunnskólum eða leikskólum né önnur markaðssókn. Kynning á æskulýðs-, íþrótt- og tómskundastarfsemi sveitarfélaga er þó heimil.“

(Leiðbeinandi reglur um neytendavernd barna, Umboðsmaður barna og Talsmaður neytenda, 2009)

„Mikilvægt er að skólar byggi upp virk tengsl við nærsamfélag sitt og stuðli þannig að jákvæðum samskiptum og samstarfi við einstaklinga, félagasamtök, fyrirtæki og stofnanir.“

(Aðalnámskrá grunnskóla, 2011)

„Starfshættir leikskóla eiga að hvetja til samvinnu og samstarfs milli barna, starfsfólks, foreldra og nærsamfélags.“

(Aðalnámskrá leikskóla, 2011)

„Með góðu samstarfi við aðra sem bjóða upp á frístundastarf gefst oft gott tækifæri í frístundaheimilum, félagsmiðstöðvum og frístundaklúbbum til að kynna fyrir börnum fjölbreytt viðfangsefni í frítímanum“

(Starfskrá frístundamiðstöðva, skóla- og frístundasvið Reykjavíkurborgar, 2015)

## Gildissvið og markmið

Reglurnar gilda um kynningar, auglýsingar og gjafir í skóla- og frístundastarfi Reykjavíkurborgar.

Markmið reglnanna er að vernda börn gegn auglýsingum og markaðssókn í skóla- og frístundastarfi:

- Þó án þess að takmarka að foreldrar og börn hafi aðgang að upplýsingum um æskulýðs-, íþrótt- og tómskundastarfsemi sem stuðlar að alhliða þroska og velferð barna.
- Þó án þess að banna að börn fái afhenta hluti samkvæmt ákvörðun stjórnanda og notaðir eru við fræðslu og forvarnir í starfseminni.

## 1. gr. Kynningar á æskulýðs-, íþrótt- og tómskundastarfi

Kynningar til barna og unglunga á æskulýðs-, íþrótt- og tómskundastarfi sem hluti af námi eru heimilar í skipulögðu skóla- og frístundastarfi í samráði við stjórnendur og starfsfólk.

Stærri og skipulagðar kynningar til barna og foreldra á úrvali æskulýðs-, íþrótt- og tómskundatilboða\* fyrir börn og unglunga í viðkomandi hverfi, geta farið fram innan skóla eða frístundamiðstöðva á starfstíma þeirra. Foreldraráð leikskóla og skólaráð grunnskóla taka þátt í að móta stefnu skóla um fyrirkomulag kynninga og tengsl skóla við grenndarsamfélagið í samstarfi við foreldrafélög, nemendafélög og hagsmunaaðila í nærsamfélaginu, t.d. hverfisráð, hverfisíþróttafélög og félagasamtök.

Upplýsingum um tímasetningar og kostnað vegna æskulýðs-, íþrótt- og tómskundatilboða skal beina til foreldra en ekki barnanna.

## **2. gr. Upplýsingar um æskulýðs-, íþróttá- og tómsundastarf**

Aðilar sem bjóða æskulýðs-, íþróttá- og tómsundastarf fyrir börn og unglínga geta komið upplýsingum á framfæri á vefnum [www.fristund.is](http://www.fristund.is) þar sem veittar eru upplýsingar um frístundatilboð, m.a. eftir aldri, efnisflokkum, tímabili og hverfum.

Frístundagátt Mentor\*\* skal notuð til kynningar á [www.fristund.is](http://www.fristund.is) og til útsendingar tilfallandi tölvupósta til foreldra grunnskólabarna í tengslum við æskulýðs-, íþróttá- og tómsundastarf skóla- og frístundasviðs og aðila að Frístundakorti ÍTR. Leikskólastjórar skulu vekja athygli foreldra leikskólabarna á vefnum [www.fristund.is](http://www.fristund.is).

## **3. gr. Auglýsingar**

Auglýsingar sem beint er til barna og unglínga eru eingöngu leyfðar innan starfsstaða skóla- og frístundasviðs þegar þær tengjast með beinum hætti starfsemi á vegum sviðsins, starfsstaða þess eða samstarfsverkefnum sem starfsstaðir sviðsins eða Reykjavíkurborg eru þátttakendur í. Þessar auglýsingar geta t.d. verið í formi veggspjalda, bæklinga, upplýsinga á heimsíðum starfsstaða eða tilkynninga til foreldra í gegnum Mentor. \*\*

## **4. gr. Gjafir til starfsstaða skóla- og frístundasviðs**

Gjafir til starfsstaða skóla- og frístundasviðs frá utanaðkomandi aðilum, t.d. fyrirtækjum, félagasamtökum og stofnunum má þiggja ef stjórnandi telur þær hafa fræðslu- og forvarnagildi og samræmast stefnu skóla- og frístundasviðs og með því skilyrði að börn, starfsstaðir eða gjöfin sjálf sé ekki merkt kostunaraðila. Sem dæmi má nefna tölvur, leikföng, spil og öryggisvesti til notkunar í vettvangsferðum, tannbursta, sólmyrkvagleraugu o.s.frv., til notkunar við fræðslu og forvarnir í starfsemi. Framangreint er háð því að hlutirnir uppfylli staðla um öryggi þeirra. Starfsstaðir geta greint frá gjöfum af þessu tagi á vefsíðu sinni, í fréttabréfi og/eða með tölvupósti til foreldra.

## **5. gr. Gjafir til barna**

Óheimilt er að dreifa gjöfum, sem ætlaðar eru börnum til einkaeignar, í skipulögðu skóla- og frístundastarfi. Hafi stjórnandi heimilað afhendingu hluta sem nota á við fræðslu og forvarnir í starfsemi sbr. 4. gr. er heimilt að börn fái þá til eignar.

Stjórnanda er heimilt í samráði við foreldraráð leikskóla eða skólaráð grunnskóla og foreldrafélag að veita utanaðkomandi aðilum leyfi til að nýta húsnæði starfsstaðar eftir að formlegu starfi lýkur til að dreifa gjöfum sem ætlaðar eru börnum til einkaeignar í fræðslu og forvarnaskyni. Beina skal tilkynningum um það til foreldra. Stjórnandi starfsstaðar fjalli árlega í foreldraráði leikskóla og skólaráði grunnskóla um beiðnir um afhendingu gjafa til barna skv. framangreindu.

Miða skal við að börnum séu ekki gefnar auglýsingavörur í vettvangsferðum til atvinnulífsins.

\*Hér er átt við starfsemi frístundamiðstöðva á vegum skóla- og frístundasviðs Reykjavíkurborgar og tómsundatilboð aðila að Frístundakorti ÍTR.

\*\*Viðmunarreglur SFS um útsendingar í gegnum Mentor.

**Samþykkt í skóla- og frístundaráði Reykjavíkurborgar 24. febrúar 2016 og í borgarráði Reykjavíkur 3. mars 2016.  
Reglurnar gilda frá og með 15. apríl 2016.**